

– Մինչեւ դուք մի անգամ եւս նարգիլէ կը ծխեք, թուղթը պատրաստ կը լինի:

Քարտուղարը հարկաւոր պատոները ստանալուց յետոյ գլուխ տոեց եւ հեռացաւ: Ասլանը դարձեալ շարունակեց խօսել բժշկութեան վրայ:

– Եւրոպան, արեւելքից սովորելով բժշկութիւնը, սկսեց բոլորովին մոռանալ իր վարժապետին: Յառաջադէմ աշակերտը, իրաւ է, կարող է անելի զարգանալ եւ իր սովորածը անելի կատարելագործել, բայց հին վարժապետի մօտ դարձեալ շատ բան մնում է: Ես, օրինակ, հիացած եմ հայոց ժողովրդական բժշկութեամբ: Ճանապարհորդութեանս ժամանակը ըստ մեծի մասին խոյս էի տալիս քաղաքներից, անցնում էի հայոց գիւղերով, ժողովրդի բժշկութեան եղանակները ուսումնասիրելու համար: Ինձ յաջողոց մի քանի նշանաւոր գիտեր անել, որ մեր բժշկութեան մէջ բոլորովին անծանօթ եմ:

Ասլանը սուտ չէր խօսում. նա, իրաւ, հետաքրքրում էր ժողովրդական բժշկութեամբ եւ նրա գրքերով, բայց այդ չէր նրա ճանապարհորդութեան իսկական նպատակը: Հանգամանքներից օգուտ քաղելու զարմանալի ընդունակութիւն ուներ այդ մարդը, եւ անելի զարմանալի էր նրա մէջ այն ճարպկութիւնը, որ իր ցանկացած նպատակը հէնց իր հակառակորդի ձեռքով կատարել կը տար: Օրինակ, նա պետք է գնար Վարազայ վանքը, եւ ինձ լաւ յայտնի էր, թէ ինչ նպատակով: Նրա այցելութիւնը այդ վանքին՝ կարող էր մեծ կասկած յարուցանել սրբազանի սրտում, որովհետեւ, ինչպէս յետոյ կը տեսնենք, նա Վարազայ վրայ շատ վատ աչքով էր նայում: Այժմ Ասլանը այնպէս պտտացրեց գործը, որ ինքը սրբազանը նրան թուղթ տոեց Վարազ գնալու, թէեւ ես հաւատացած էի, որ Վարազայ գրադարանը նրան շատ չէր հետաքրքրում:

– Ես կը ցանկանայի տեսնել նաեւ մի տեսակ աղ, որ պատրաստում է Վանում, – ասաց նա:

– Այդ աղը պատրաստում է Աւան գիւղում, – պատասխանեց սրբազանը, – այստեղից շատ հեռու չէ գիւղը, ընդամենը մի քանի ժամոյ ճանապարհ է: Պատրաստում են ծովի ջրից, «բորակէ է կոչւում, այստեղ գործ են ածում լրացքի մէջ, մաքրելու զարմանալի զօրութիւն ունի:

– Նա բորակ չէ, – ասաց Ասլանը, – անկասկած մի այլ բաղադրութիւն պետք է լինի: Եթէ իմ կարծած աղից լինի, որի մէջ տարակոյս չունեմ, կարելի է յուսալ, որ այդ աղը ժամանակով կը դառնայ վանեցոց հարստութեան գլխաւոր աղբիւրներից մէկը: